

UMSKAL hargai sumbangan kakitangan

NSR 23-5-2013 4

LABUAN: Universiti Malaysia Sabah, Kampus Antarabangsa Labuan (UMSKAL) sentiasa menghargai jasa dan sumbangan kakitangan yang berkhidmat di universiti itu.

Pengarah UMSKAL, Prof Madya Dr Ismail Ali berkata jasa dan sumbangan serta bakti pegawai dan kakitangan akan sentias diingati kerana mereka turut terbabit dengan pembangunan fizikal serta pentadbiran universiti.

Beliau berharap staf akan terus menjalankan tugas yang diamanahkan dengan penuh tanggung jawab berdasarkan misi dan visi universiti.

Dr Ismail mahu setiap kakitangan menjalankan tugas dantanggungjawab buntut university dan bukannya disebabkan pegawai tertentu sahaja.

"Berkhidmatlah untuk universiti kerana universitilah tempat kita mencari rezeki. Kakitangan silih berganti tetapi UMSKAL akan terus wujud untuk berbakti kepada warga Wilayah Persekutuan Labuan," katanya.

Beliau berkata demikian ketika berucap pada majlis berpindahan tiga kakitangan Bahagian Pembangunan dan Penyelenggaraan (BPP) UMSKAL di Banglo UMSKAL, kelmarin.

Mereka ialah jurutera kanan, Jorin Matawas, penolong jurutera, Mohd Firdaus Anson dan juruteknik, Herman Lairi yang akan bertukar ke UMS Kota Kinabalu.

Mohd Firdaus ditempatkan di Bahagian Kejuruteraan Awam manakala Herman ke Bahagian Mekanikal dan Elektrikal Jabatan Pembangunan dan Penyelenggaraan, UMS Kampus Induk.

Turut hadir Timbalan Pendaftar, Zamri Mohamad Tuah dan pegawai kanan serta kakitangan UMSKAL.

Dr Ismail mengucapkan terima kasih atas sumbangan mereka dalam membantu membangunkan UMS Labuan sejak tiga tahun lalu. -OLEH JAINUDIN DJIMIN (jainudin@new-sabahtimes.com.my)